

Ukiuq tamaat Unniudjutaa

2020-2021

Nunavunmi Ihuaqtuuqutini Havakti

Jeffrey Schnoor, Q.C.

Ihuaqtuuqutini Havakti

Ukiuq tamaat Unniudjutaa

2020-2021

Nunavunmi Ihuaqtuuqutini Havakti

Quviahuutigijara tunihiplugu siksiuyuq Ukiuq Tamaat Unniudjutaa Ihuaqtuuqutini Havaktimin uvunga Nunavunmi Kavamatkunni Havagviinni, atuqtauyumun hamanga April 1, 2020min talvunga March 31, 2021mun.

Ihuaqtuuqutini Havakti havaktuq ataani llangani 6 uvani *Kavamatkunni Havaktiginnut Maligaqmi*, atuqtauliqhuni April 1, 2015. Quviahuutigijara tikkuaqtaugama hivulliuplunga Ihuaqtuuqutini Havaktiuplunga imaatun tallimani-ukiuni havagvighamik aullaqtiqhuni January 5, 2015. Tikkuaqtauffaarhimajunga aallanik taliimanik-ukiunik havagvighamun 2020mi.

Taimailiupkaxhimaplunga kingulliinni ukiuq tamaat unniudjutini, taimailirniaqtunga:

- Tuniluni naittumik-naunaitkutininik hunaujunik pidjutit ihuinaarutininik qanuqtullu unnirluktaujukhat
- Naunaijaqlugin hapummidjutikhat akiniarutininik taamna Maligaq pidjutivaktuq kavamatkunni havaktinun unnirlukhimajun ihuinaarutininik, imaalu
- Tuniluni kikliharutikkut ilitturipkaidjutikhanik amigaitilaanginni tukhirutini uqaudjutikhanik pihimajamnik, amigaitilaanginni unnirlugutini ihuinaaqhimajuni qanuriliuqtauhimadjutainnilu taapkunani unnirlugutini.

Uqaffaarniaqtatka uqautitka qaangiqhimajuni mighaagun aallanguqtirutininik pimmarighautiniarungnarhijun pittarnirni kavamatkunni havaktiinnun hivumuutijaami unnirlungnik ihuinaarutininik.

TITIRAQVIGILUGU IHUAQTUUQUTINI HAVAKTI

Ethics.officer.nu@gmail.com

Hivajautaa: 844-ETHICS2 (844-384-4272)

Kajumiktukkut: 844-384-4272

Qanuq Unnirlungniaqqin Ihuinaarutimik

Havaagijaa Ihuaqtuuqutini Havaktimi, naittumik, pijakhait ihivriuqlugitlu ihuinaarnahugijaujunik Nunavut kavamatkunni havakviinni. Humi ihuinaaqtuq paqitaugumi, angut arnaqluunniit pitquidjutikhaliuqtukhaq hanaqidjikhaanik ihuinaarutijaujumik. Ihuaqtuuqutini Havakti pivikhaqaqtughaq aannirnaaittaami havaktiinnut Nunavunmi kavamainni unniqhiugumik ilittuligumik ihuinaaqhimayumik uqaqvigilugit nakuuyumik ihuaqtumik – tamainnutlu Nunavunmiut – taapkuat ihuinaangnahugiyayut ihivriuqtauhun'nguyut ilitturipkaiyaulutiklu qilamik, nakuatut ihuaqtumiklu.

Ihuinaarniq naunaijaqtauhimajuq talvani *Kavamatkuni Havagviinni Maligaqmi*. Kangiqhidjutaa kituni ihuinaaqat havaktimin havaqhimatilluni havaamini:

- (a) ihuinaarniq Maligarmin Maligaliurvingmi, Maligaliuryuarviliqivingmi Kanadami maligaliqidjutigiyauyutluunniit Kanadap avikturviinni, avikturviitluunniit ukiuktaqtumi, maliguararhaliuqhimagumikluunniit kituni Maligainni;
- (b) malinggittuq pitquyauyunik Ministamin, Minista munariniqaqtuq Maniliqidjutinut Titiqqiviliqidjutainnut Maligaa, Maniliqiyit Munaqtiit Katimayiitaluunniit ihumagidjutiplitik munaqtiliqinirmun havaktiinnut tamayanutlu kitumik havaktii munaridjutiqaqtaannik;
- (c) ihuittumik atuqtuq maningnik inungnut maniqtavigiyaainnik inungnutlu tamayagiyaainnikluunniit;
- (d) takunnaqhuni ihuittumik munariyauyut aturniit inuit tamayainnik ikayuutigiyauyunikluunniit kitu havaktii munariyaqqaanik, taapkunanikluunniit maligak hugiyaunggittumikluunniit takudjutipliti ihumaliunggittiaqhugit ihumaginggitpiaqhugitlu ihuaqtigiyaait munaqhinikkut inungnut tamayainnik ikayuutigiyainnikluunniit;
- (e) uumilruqhaiyuq uqamaluktuq ninggakkumilluunniit kitumun inungmut havaktiunggittumun ihuinaagumik inungmut pilaagutainminutluunniit kitumun inungmun ikayuqtauyumayumut ikayuqtauyuqluunniit naunaigumayuqluunniit ikayuutikhainnik quyaginnak havagvingmit timiuyunitluunniit;
- (f) qanuriliugumik qinugigumikluunniit qayarnaqhiqpiqhutik inuuhirmun, aannialaqinnahukkuungnaqhutik aanniqnahukkuuqhutikluunniit inungnun, nunaqatimingnut aadlat nanminigiyaainnik, avatiliqidjutimun, aadlamikluunniit qayarnaunggittumik ilikkuugutikhattumiklu havaktilluni havaamini havaagiyaainiluunniit havaktip;
- (g) ihuinaaqpiaqtuq talvuuna Maligakhat Uppirnikkut Ihuaqtuuqutikkullu;
- (h) qanuqtun akiniagumi havaktimun aadlamunluunniit inungmun;
- (i) tukhiqtauyuuq, pitquyauyuq piumaqunahuaqhutikluunniit tiliuqtimin an'ngayuqhiminluunniit atan'nguyamin havaktimun havaktiminluunniit aadlamut ihuinaaquplutik taapkuatut titirarhimayut qaan'ngani.

Kavamatkuni Havaktiuyunun Maligaa malikkuutikhamik havaktinut piqaqtut malikvikhaitigun piugumik naunaittariamingnik ihuinnaarnahugiyauqariaghainnik. Hivulliqaarmi naammagiyaayaqhaita pinahuaqtainnik unniutiyaami ihuatqianut atan'nguyanut havakviuyuni. Taapkuangnguyuttaqtut:

- atan'nguyaqpakyuariaannut
- Tugliariyaat Ministamun tugliuyuqluunniit atan'nguyamut
- Tugliq Minista Havaktuliqijiikkut Havagviani

- aadla ihuaritqiyaat Tugliuyuq Ministamun

Unniutittaaqtut ihuinaaqtumik aadlamun itquumakpiavikhaqaqqatta qayangnautiqalimaittaanggat pilimaittaangngat qayarnaqhiqpiagumik inuuhirmun, aannialaqinnahukkuungnaqhutik inungmun aanniqnahukkuuqnaqhutikluunniit inungmun, ahuruqtittinahuagumikluunniit tamayanut avatiptingnutluunniit.

Qaan'ngiutikpat 30 ubluit unniutikkut ihuinaagutimun, ihumanggitkumik atan'nguyait havakviinni piyaaqhainnik ihivriuriami ihuaqhilugu, inmik unniutittaaqtut Ihuaqtuuqutini Havaktimun. Talvainnarmi, Ihuaqtuuqutini Havakti ihivriungniaqtuq, apiqhuutigumi ihuinaangnahugiyayyumik ihuinaangnahugumiuq, naunaiqqat, ihuinaaqtauhimaniaqtuq. Ihuaqtuuqutini Havakti ihumaliuqtaaqtuq naliangnik imaa:

- pinahuaqluni ihuaqhainahuaqlugu ihuinaanggittutun pilugu
- naliangnik ihuaqhainahuaqlugu ihuinaagut
- apiqhuguigumi naunaingnahuaqhugu, ihumaliuqluni ihivriungnikkut pivikhaittuq ihuanggittuqlu talvuuna qin'ngiyaaqtaa ihivriugutikhaq
- aadlamun piqulugu ihuagiyayyunut atan'nguyanut.

Ihuaqtuuqutini Havakti atanniqtuidjutikhaqaqtuq ihivriurhiyaami katitiqlugillu naunaittiagutigiyajutunik. Titirangmik takuyunik uqaqquplugit maligaliqinikkut pittaaqtuq tautuqhimagun tunihiquplunilu naunaiyautikhanik hakugingnikhaqaqtuqlu pitquyaami titirarhimayunik naunaiyautikhaqariami. Ihuaqtuuqutini Havakti ihivriurhiyamatilluni, itinnariaqaqtuq qujaginnanun iglunut najuqvigijaujuq havakvingmin kavamatkunnilluunniin timiqutigijaujunin. Ihuaqtuuqutini Havakti ihumaliurniaqtuq ihivriugutikhaa hiamitiqhimaittumik inuqarnirmiluniluunniit. Tugliuyuq atan'nguyaq havaqatigiittiartakhaa havaqataitlu piqulugit havaqatigiiquplugu ihivriurhiyamatilluni Ihuaqtuuqutini Havaktimin. Taimailiunggitkumik ihuinaaqtut akiligarhaqangniaqtullu \$10,000. Havakti tunihijuhuaq naunaiyautikhanik piimayainnik Ihuaqtuuqutini Havaktimin. Taimailiunggitkumik ihuinaaqtuq akilirarhaqangniaqtuqlu \$5,000.

Aanniqtailiniq Akiniaqtumin

Ihuinaangniaqtuq maligatigun ayuqhaqtittigumi inungmun ilitturipkaigumi ihuinaaqtumik akiliqtittauttaqtuqlu \$10,000. Kangiqhidjutaa havaktuq akiniaqhuni imaatun pigumi qanuriligumi, iqhitaagumi pinahuangnahuagumi taimaaqtittinahuagumi, havaamun atpaniittumin nuutiqtitayuyuq, iqhitaaqhuni, akhuuqhaipluni, aimavikhaiqtittipluni, taimaaqhugu kaantranga ilaup kitumi ilaudjutaanni hugiyaunggittumi, aullaqtiqtiqhuni maligaliqidjutikkut kimut, akhuuqhuni pitquyuq maniliqidjutikkut aadlamikluunniit ihuinaaqtittinahuaguni imaaluunniit qinugiplugu inungmun ilitturipkaigami ihuinaaqtumik taaffuminga taaffumaluunniit ikayurmat ihivriugutikkut ilitturipkaidjutimin aadlamin pidjutihimagun.

Havaktiit unniutiinnariaqaqtut ihuigiyauyaannik Ihuaqtuuqutini Havaktimun ukpiguhukkumi inmi akiniaqtauliqtuq; pitquidjutiqaqngittuq taimaatun iluanin unnirlungniq ihumagijaujumi akiniaqtaulirniq hivulliqpaakkut uqaqtaujukhaq. Ihuaqtuuqutini Havakti ihivgiuqhiyukhaq unniqhiuqtauyuq ihuigiyauyumik aajjikkiiktukkut angut arnarluunniit ihivriupagutainni unnirlurngmik ihuinaarutimik.

Ihuaqtuuqutini Havakti iniktiqtaa unniqhiuqtauyuq ihuigiyauyumik akiniaqtumin naammagiyauqpat, ihuaqtunik anullaqhaiyikhamik piyukhat taaffumamun havaktuq akiniarnirmun aadlaniklu hulidjutikhanik pitquyahimayut Ihuaqtuuqutini Havaktimin piniagungnaqhiyun havaklutik ayuqhaqtitauyumun inungmin unniqhiuqtauyuq ihuigiyauyumik.

Huminlu hulidjutiuhani Ihuaqtuuqutini Havaktia pitquyainnik pinggitpatta, ihuagiyauyumi tugliuyuq atan'nguyaq Ministalu naunaiyautikhaqaqtukhat ihuaqtuuqutini Havaktimun naunaiqlugitlu kitunik hulidjutikhanik, piqaqqat, piniqaqtut kiudjutikhanik pitquyauyuni.

Ilitturipkaiyut ihuinaaqtumik Ihivgiugutaitlu

Titiraqhimayuuq qulaani, havaktiit iluani ilitturipkaiyukhat ihuinaaqtumik ilitturipkaitinnatik ihuinaaqtumik Ihuaqtuuqutini Havaktimun. Havakviinni havaktiit pitquyauyut ilitturipkailutik uvamnut hapkuninga iluani ilitturipkailutik ihuinaaqtumik kihimi ihivriulimaittunga kihiani ilitturipkaqtautinnanga unnirlungnirmik uvamnun, talvanga 30 ubluit qaangiutikpatta. Talvani 2020-21, piyunga ilitturipkaidjutinik malruungnik iluani unnirluutunik hivumuungittuk unnirlugutimun Ihuaqtuuqutini Havaktimun.


Taimaa

Naunaittiagumaguvit:

<https://www.gov.nu.ca/in/human-resources/information/pittiarahuarnirmut-havakti>

aajjikkuhiurnirmun malruk uvani 2019-20, hitamat 2018-19, atauhiq 2017-18, malruk 2016-17 pingahullu 2015-16mi.

Atuqtilugu 2020-21, Pihimayunga talimanik ihuiguuhtunik uqaqtauyunik ihuinaarutunik. Ataani naunaitkutit tautuktitait aajjikkuhiurnikkut amigaitilaangit qaangiqhimajuni ukiuni, talvannga 2015-16min, hivulliqpaak ukiuq taimaatun unnirlungnikkut ihuinaarutunik uumunga Ihuaqtuuqutini Havaktimun hailihimajuq Nunavunmi kavamatkunni havaktinun.



Atauhiq uqaqtauyuq ihivriuqtauyuq ihumagiyara tamna ihuinaarutit ilihimayaungituq. Hapkua naitut pidjutit:

Havakti hapkunani Nunavunmi kavamatkuni (“A”) uqaqtut nuliqinirmun uumilruhaqtauyuq aalamin havaktimin atanguyamin (“B”). Uqaqtauyuq pidjutit atuqtauyut amigaitqiyamik talimanik ukiunik tuniyautinagit uqautigiyaait ihuinaarutit. *Kavamatkunni Havagviinni Maligaa* tunihiyuq tapkua Ihuaqtuuqutini Havakti ihivriulimaitait pidjutauyuq avatqumayut talimanik ukiunik kihimi Ihuaqtuuqutini Havakti nakuunikkut havakti ihuangnikkut kinguvaqtilugit uqautiginirit piqarumilu ihumaginirmun ihivriuqlugu pidjutauyuq tuuliiralaqluni uvalu inuup kangiqhidjutait piyariaqaqtut iniqtilugit ihivriurutit piinarialgit. Ihumagiyara tapkua ihuariyatka tamaita pingahut qanuriniit piyauyut.

Uqagauyut hulaqtit nuliqinirmun uumilruhaidjutit piyauyut ihuinaarnirmun uqagauyut niliqinikkut ihumagiyauyut pidjutit malrungni atuqtaunirmik. Kinguani apirhuidjutit A, Bmilu ukualu aalat inuit kitut talvannitut uumilruhaimun, iniqtiqtatka tapkua ihuinaarutit haffumani B naunaiyautauyut nuliqinirmun uumilruhainirmun uvani Kavamatkut Nunavunmi Atuqtauyuik Ukipiridjutini Pidjaringnikullu unalu *Uumilruhaimuqanginirmun Havagvik Maliruagahaani*. Pidjutauyut piyauyumangituq, hulautauyuq nuliqinirmun pihimayuq uvalu ihuinaarut hulaqutigiyauyuq havagviup avatiini.

Kihimi, pidjutigiblugit *Kavamatkut Maligaa*, ihuinaarut Maligait Pinnagiyanut Pittiarniqmutlu piluaqhimangituq ihuinaarnirmun. Unainaq “aghut ihuinaarut” pidjutiaqtuq haffumunga pidjunmun. Haffumunga pidjutauyumun, Bmi ihuinaarut pidjutiqangituq quyaginaq iqaiyangnikkut aktungnirmik. Natuni ihuangitunilu. Atuqtauffaangituq kingulirni talimat ukiut, taimaagungaluaq humi Ami Bmilu havaqatigiiktilugik qanganuaq. Ilihimbablugu hulaqta tapkua Bmi ihuinaarutit pidjutauyut uvani Ami, naunaitumik uvaluuniin haniagut ihumagiyauyuq

mikinihauyuq ihumagiyauyuq hulaqut nuliqinirmun uumilguhainiq. Taimaali pilimaitara tamna pidjutiqaqtuq aghut ihuinaarut Maligait Pinnagiyanut Pittiarniqmutlu paqitingitunga ihinaarnirmik Maligamun.

Ilangani 42(1) *Kavamatkuni Havaktiginnut Maligaani* titirarhimayuq qanurinmanggaatigun Ihuaqtuuqutini Havaktia qin'ngiyaaqtaa ihivriurumangillugu ihumagiyauyuq. Havaktatka atuqhugu uvapkut pittiarikkut malruk uqautauyuk uvamnun tuniyauyuk:

- Atauhiq uqautauyuk tamna havakvik tunihingituq havaktimun titiraqhimayumik paqinirmun ihivriurutinun naunaiqhainahuat havaktauyut pidjutiqaqtuq ihuinaarnirmik havaktimin. Havakti havaangiqtayuq taimaali havaktip havagvia havanginamigit havagahat titiraqhimayut titiraqhimayumi. Havagvia uqaqtuq tamna titiraqhimayuq aiyauhimagiyuq havaktimin. Ihumagiyara tunihinginirmik titiqqamik, itquumakpat, pidjutiqaqtuq ihuinaarnirmun, titiraqhimayumi uvani *Kavamatkunni Havagviinni Maligarni*. Titiraq tunihimangitkaluaqtilugu havaktimun, havakti piyughaugaluq piyaangani ilihimalugillu ihuirutauniaqtut pinginirmun.

Havakti uqaqtuq tapkua, havaguiqtitauniranun, uuktuqtut havaanik Kavamatkuni Nunavunmi qingiyauyut inukluguhungnirmun (kitunun auladjutikkuluuniin). Ihumagiyara tapkua, uqarniranin qingiyauyutun havagahat, inuk havaktiungituq Kavamatkuni Nunavunmi taimaali pidjutigiyagharingitara tamna uqagauyuq.

- Aipaa uqagauhimayuq pihimayuq havaktiugaluamin ihuinaarnirmik havaktitut Kavamatkuni Nunavunmi. Inuk uqaqhimayuq tapkua katulaagutit tuniyauyut pinghuuyumun ataani ihuinaarungnaqhinnikkut qanuriniit. Kihimi, naunaiyautinik tunihimangit ihumagiyatka tapkua uqagauyut ihumagiluarnimun. Inuk ikitunik uqaqtuq tapkua havagvigaluangani atanguyaa qaffinik ihuangitunik ihumaliuqtuq, imaatun havaaghanik tunihiyuq ihuangitumik qanuriniinik pihimayumik. Ihumagiyara tamna, itquumakpallu, ihuinaarut pidjutiqaqtuq ihuinaarnirmun. Inuk uqarhuni qaritauyakuuqhimayuq atanguyaminin atautimun tamaitallu aalat havaktit talvani havagvingmi narugiblugu inuup ihuinaarutaa pidjutiqaqtuq maliqaliginirmun ihuinaarut. Ilihimagaluqhugu qaritauyakuuqhimayuq ihuangituq, piqaqtuq, ihumamnun, ihuanginikkut tamna, qanuriniit, akiligahamik piyauyughaq apirhuiyimin. Taimaali, tamna ihuinaarut pidjutiqaqtuq ihuinaarnirmik.


Kinguliik malruk uqagauyuk ihivriuqtayuk uvani Qiqaijalirvia 2021mi, ihuaqhiyaungituk huli.

Akiniaqtut

Piqanggitut uqaqtunik akiniarnikkut uvani ukiumi.

Uqaudjaunikkut

Ihuaqtuuqutini Havakti hailihimajuq tunijaami hiamitiqtaulimaittunik uqaudjiutikhanik havaktinun ihumaliqtun unnirlugiamingnik ihuinaarutimi. Uqaudjiniit tunijauvaktun mighaagun naunaijarnikkut kitun qanuriliurutin pijungrahivun ihuinaarutikkut uumanilu havagutimi maliktaujukhaq unniulugiami. Uvani 2020-21milu, Tuyuqtauyunga 26nik tughiutinik qanuriliurutighanik.



Ilangit Tautukhimajatka uvani Unnirlungnikkut Havagutaani

Aipaangani, uqautigiyatka ihumaaluutit ihumagiblugu haffumunga *Kavamatkunni Havagviinni Maligaq* tapkua, ihumagiyamnun, pitailidjutauyut havaktinun uqautigingilugit ihuinaarutit. Uqaffaaqtara tamna ihumaaluutauyuq.

Uqarhimayut hivulirmi uvani uniudjutini, havaktit havaktaghait ihuinaarutit inungmun ataniuyumun Kavamatkuni Nunavunmi. Uppirijara una pipkaidjutauniarhimajuq taapkuat angajukhiit havaktiit aulahimmaarianginni munarilugin havagvitik aallalluunniit timiqutigijaujun pidjutikhaqarhimalutiklu hunanik ihuarhaijaamiknik. Kihimi, tautukhimajuna kaffiujun havaktiit hivajaqhimajaani uqaudjutikhanik talvuuna pinahugijaujumun ihuinaarutimik taimaatun, tuharutikkut, itquumajutun ittuq ihumaalungnaqtuqlu pingittuq tuklikhamik qanuriliurutikhamik pilunilu titiraqhimajumik unnirlungnirmik. Amigaitqijaujuni taimaittuni, pingittun irhiuramik akiniaqtauniarungrahigamik. Quviagijara Maligaq piqaqtuq hakugiktunik hapummidjutikhanik akiniarutinin, piqarhuni angijunik maligaqaliqtitaudjutinik, kihimi itquumajuq aulajuq havaktiit Nunavut kavamatkunni havagviinni havakpaktun mikijuni nunallaami mikitqijaujunilu havagvingni. Unnirlungniq pidjutiaqtuq kappiahukhimainnirmik pidjutiliklu angijunik qajangnarhittaarutinik havagvingmi nunallaamilu.

Amigaitqijaujun nunagijaujun Kanadami kiujaa una ihumaalungniq tunihinikkut ihumaliurutikhanik ihumagittiarhugu humun hivullirhugin unnirluutait ihuinaarutinik. Amigaitqijaujun nunagijaujun pipkaqtitpaktain havaktiit iluani unnirlutik, taimaittuq Nunavunmi, kihimi pikpaqtitpaktaillu apluqlugun una qanuriliuruti unnirlutiklu talvungaqpiaq ilikkuuqtumun havaktimun (Nunavunmi, una Ihuaqtuuqutini Havakti). Taamna ilikkuuqtuq havakti nakuutqijaujunik havakpaktuq happumidjutikkut ilitarijaungittaangani inuk unnirluktuq kihimi, pidjinginni qanuriliurutini, ilitarijaunnainniq naunaqtuq.

Ihumagittiaraluarhugu una taimaatun pijdjutinarungnarhijuq amigaiquummirutiluni ihumagijakhaungittunik unnirluutunik, uppirijunga una nakuutqijauniaqtuq pilarhuutainnik ihumaginikkut taapkununga piqpiarhimajunun anginiqaqpiatunullu unniurlugutinun. Ihumagitqujatka Maligaliurvik ihumaliuttiarutigijakhait nakuuniqarninginnun taimailiurutikhamun.

Ilihimagungalu ilangit Kanadami nunagijaujuni pipkaqtitpaktait aajikkiingniqaqtuq imaatun Ihuaqtuuqutini Havakti ihivriughilutik ihumagijaujunik ihuinaarutinik iluani kavamatkunni havagviinni uqaqtaujun kinamin hilataaniittumin kavamatkut havagviinnin. Taimaatuungittuq Nunavunmi taimaalu, pigaangama taimaittumik aprihuutimik, unniutijakhatka unnirluktiujuq piqangittunga atanniqtuidjutinik takuurlugu ihumagijaujuq. Ihumagitkujara taimaatun ihumagijakhait nakuuniqarninganun uumani taimailiurutimi.

Kanatami Havaktiinnut Ilauyumayut Uqaqtuni Ihuinaangnahugiyauyunitigun Katimayiita

Taitai, quviahuutigiumayatka ilauyut talvani Kanatami Havaktiinnut Ilauyumayut Uqaqtuni Ihuinaangnahugiyauyunitigun Katimayiinni. Katimagallayuktut katimapkaiyut atan'nguyanik tamaani Kanatami munariqaqtunik havaktiuyunik pittiaqunahuaqtukhanik unnirlutigunlu. Tadjaa aanniarut nunaquyumi katimaqatigiingnaiqtuq kihimi Katimayut aulahimaaqtumik aghuungnaqtunun tungaviuyut iliharnirmun uqautiginirmunlu atuqhimayatik.

Inirutikkut

Kingulliqaakkut, taimailiupqakhunga hivuagun, iniqturumajara ukiuq tamaat unniudjutiga taimaatun qujagijumaplugin nakuuqpiatunik ikajuutinik pihimajatkat qaangilihaaqtumi ukiumi taapkunangga angajukhiinnin havaktinin Havaktuliqijikkut Havagvingmi havaktillunga havaktakhamnik.

Pittiarnikkut tunihimajuq,

Jeffrey Schnoor, Q.C.
Ihuaqtuuqutini Havakti